



Broj: 05- 07-26-8150/11  
Sarajevo, 03. 08. 2011. godine

**PARLAMENTARNA SKUPŠTINA BOSNE I HERCEGOVINE**  
**PREDSTAVNIČKI DOM**  
**SARAJEVO**

**Predmet:** Odgovor na poslaničko pitanje,  
-dostavlja se;

Veza vaš akt broj: 01/a-50-1-15-7/11 od 28. 07. 2011. godine;

Na 7. sjednici Predstavničkog doma Parlamentarne skupštine Bosne i Hercegovine, a koja je održana 27. 07. 2011. godine, poslanik Lazar Prodanović je postavio pitanje sljedeće sadržine:

*„ Zanima me koji su razlozi rukovodili Visoki sudski i tužilački savjet Bosne i Hercegovine da u godišnjem izvještaju za 2010. godinu navode, u nekoliko navrata, u pogledu pravosudne strukture i pravosudnih institucija u RS-u, okrug Banjaluka, okrug Doboju, okrug Bijeljina, okrug Istočno Sarajevo, okrug Trebinje?*

*Želim da vas upozorim da to ne odgovara niti zakonskoj niti ustavnoj strukturi pravosudnih institucija u RS-u. Dakle, u RS postoje okružni sudovi u Banjaluci kao i Okružni privredni sud u Banjaluci i osnovni sudovi, dakle osnovni sudovi na području RS-a. Postoji Okružni sud u Doboju, takođe Okružni privredni sud, takođe u Bijeljini, a na isti način uspostavljene su pravosudne institucije u Istočnom Sarajevu i Trebinju. Ne mogu da vjerujem da ovako ozbiljna institucija na nekoliko svojih tabela ponavlja da su to okruzi. Koji su razlozi da se navodi okrug, pošto u RS-u ne postoji nikakav regionalni način organizovanja kojim bi se kvalifikovale pravosudne institucije po okruzima, već na način kako sam prethodno rekao? I ko zbog ovakvog načina pravljenja ozbiljnog izvještaja, kojeg mi danas imamo na razmatranju, koristi ovakve nepravilne nazive? Obzirom da se radi o pravosudnoj instituciji, mislim da je to nedopustiv propust“.*

Poslaničko pitanje dostavljeno je na odgovor Ministarstvu pravde Bosne i Hercegovine i Visokom sudskom i tužilačkom savjetu Bosne i Hercegovine.

S tim u vezi Ministarstvo pravde daje sljedeći:

**ODGOVOR**

Poslaničkim pitanjem traženo je od Ministarstva pravde Bosne i Hercegovine da se izjasni o razlozima kojima se rukovodio Visoki sudski i tužilački savjet Bosne i Hercegovine da u godišnjem izvještaju za 2010. godinu u nekoliko navrata u pogledu pravosudne strukture i

pravosudnih institucija u Republici Srpskoj navodi okrug Banjaluka, okrug Doboj, okrug Bijeljina, okrug Istočno Sarajevo i okrug Trebinje.

U vezi s tim, ističemo da je Zakonom o Visokom sudskom i tužilačkom savjetu Bosne i Hercegovine („Službeni glasnik Bosne i Hercegovine“, broj: 25/04, 93/05, 48/07), i to članom 20. utvrđena obaveza Visokog sudskog i tužilačkog savjeta Bosne i Hercegovine, da najkasnije do 1. maja svake godine pripremi godišnji izvještaj u kojem navodi svoje aktivnosti i opisuje stanje u sudstvu i tužilaštvu, uključujući i preporuke za njegovo poboljšanje, kao i da navedeni Izvještaj dostavi Parlamentarnoj skupštini Bosne i Hercegovine, Savjetu ministara Bosne i Hercegovine, Parlamentu Federacije, skupštinama kantona, Narodnoj skupštini Republike Srpske, državnom i entitetskim ministarstvima pravde i Skupštini Brčko Distrikta Bosne i Hercegovine u svrhu informisanja.

S obzirom da je navedeno pitanje dostavljeno na odgovor i Visokom sudskom i tužilačkom savjetu Bosne i Hercegovine, smatramo da je Visoki sudski i tužilački savjet Bosne i Hercegovine, a na što upućuje i navedena zakonska regulativa jedino nadležno dati odgovore i pojasniti navode na koje se odnosi postavljeno poslaničko pitanje. Tim više što je Savjet odnosno predsjednik ili ovlašteni predstavnik Savjeta u obavezi da na poziv Parlamentarne skupštine ili drugog organa direktno na sjednici obrazloži izvještaj i odgovori na pitanje poslanika, odnosno članova drugog organa, gdje se kroz raspravu i zaključke mogu dati ocjene, sugestije i prijedlozi koji ne osporavaju samostalnost Savjeta.

Shodno navedenom, a obzirom da se navedeni izvještaj dostavlja Ministarstvu pravde samo u svrhu informisanja, ovo ministarstvo nema nadležnosti kad je u pitanju pojašnjenje pojedinih navoda istaknutih u godišnjem izvještaju Visokog sudskog i tužilačkog savjeta Bosne i Hercegovine.

S poštovanjem,

Dostavljeno:  
-naslovu  
-a/a



MINISTAR  
Bariša Čolak